

Broj: 01/01-1574-9/6-2024  
Sarajevo, 17.10.2024. godine

Na osnovu člana 64. stav (1) tačka b), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14, 59/22 i 50/24), na Preporuku Komisije za javnu nabavku, broj: 01/01-1574-8/6-2024 od 11.10.2024. godine u postupku nabavke roba: **LABORATORIJSKA OPREMA, LOT 1- Laboratorijski mikroskop sa kamerom i softverom**, Dekan Univerziteta u Sarajevu Prirodno-matematičkog fakulteta je donio sljedeću

## **ODLUKU**

### **o izboru najpovoljnijeg ponuđača u otvorenom postupku za dostavu ponuda**

#### **Član 1.**

**Prihvata se Preporuka Komisije za javnu nabavku**, broj: 01/01-1574-8/6-2024 od 11.10.2024. godine i ugovor za nabavku roba: **LABORATORIJSKA OPREMA, LOT 1- Laboratorijski mikroskop sa kamerom i softverom** dodjeljuje se ponuđaču „**ELTA 90 MB**“ d.o.o. Sarajevo, čija ukupna cijena ponude iznosi **41.140 KM bez PDV-a**, kao najbolje ocijenjenom ponuđaču.

#### **Član 2.**

Izabrani ponuđač dužan je u roku od **5 (pet) dana** od dana zaprimanja ove Odluke, na adresu Univerziteta u Sarajevu - Prirodno-matematički fakultet, Zmaja od Bosne 33-35, 71000 Sarajevo dostaviti originale ili ovjerene kopije dokaza traženih tačkom 7. Tenderske dokumentacije, ne starije od 3 (tri) mjeseca od dana predaje ponude, računajući od dana dostavljanja ponude, izuzev dokaza iz člana 47. stav (1) tačke a) i (4) Zakona, jer je isti dostavljen u sklopu Ponude ponuđača.

#### **Član 3.**

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

#### **Član 4.**

Ova odluka objavit će se na web-stranici [www.pmf.unsa.ba](http://www.pmf.unsa.ba) istovremeno sa upućivanjem ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama BiH.

### **Obrazloženje**

Na osnovu Odluke o pokretanju postupka javne nabavke broj: 01/01-1574/3-2024 od 12.09.2024. godine, Univerziteta u Sarajevu - Prirodno-matematički fakultet je pokrenuo otvoreni postupak za dostavljanje ponuda za javnu nabavku roba: **LABORATORIJSKA OPREMA, LOT 1- Laboratorijski mikroskop sa kamerom i softverom**.

Za provođenje postupka predmetne javne nabavke, Odlukom broj: 01/01-1574/4-2024 od 12.09.2024. godine imenovana je Komisija za provođenje postupka javne nabavke. Obavještenje o nabavci broj: 29340-1-1-50-3-68/24, objavljeno je na Portalu javnih nabavki dana 12.09.2024. godine, a u Službenom glasniku BiH br: 63/24 dana 20.09.2024. godine.

Iz *Izvjestaja o preuzimanju tenderske dokumentacije* od strane ponuđača, vidljivo je da su u periodu koji je ostavljen za dostavljanje ponuda do 03.10.2024. godine, tendersku dokumentaciju preuzeli slijedeći potencijalni ponuđači: ANALITIKA D.O.O. SARAJEVO, INSTRUMENTS, EKAPIJA DOO, SHIMADZU D.O.O., EMEDING DOO, BBS EUROPE, MPS LAB D.O.O., SINEKS LABORATORIJA D.O.O. BANJA LUKA, INELEX D.O.O., ALTIUM INTERNATIONAL D.O.O., ELTA 90 MB D.O.O., ARTIKA DOO, SARTORIUS LIBRA ELEKTRONIK D.O.O., LAB UNICA D.O.O, KEFO D.O.O. ISTOČNO SARAJEVO, LIFEMED D.O.O., TKAONICA ČILIMA D.D., MIKRO+POLO D.O.O., SEMIKEM D.O.O. SARAJEVO, BIOSISTEMI DOO SARAJEVO, DIMED D.O.O. SARAJEVO, ERKONA, DOO EUROLAB, NEXIS D.O.O. SARAJEVO, AB MEDIC D.O.O, MICOM BH D.O.O. SARAJEVO, DUAL-"M", APICAL DOO, DIVISION AGRO D.O.O. i O-MEGA-III D.O.O. SARAJEVO.

Iz *Izvjestaja o pitanjima i odgovorima* u periodu koji je ostavljen za dostavljanje ponuda, vidljivo je da u periodu koji je ostavljen za dostavljanje ponuda, upućen jedan upit od strane „Analitika“ d.o.o. Sarajevo u vezi sa tenderskom dokumentacijom, na koji je blagovremeno odgovoreno.

Iz *Zapisnika o otvaranju ponuda* vidljivo je da je Komisija za javne nabavke dana 03.10.2024. godine sa početkom u 10:30 sati po izvršila javno otvaranje blagovremeno prispjelih ponuda slijedećih ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	<b>„NEXIS“ d.o.o. Sarajevo</b>	Da	01/01-1574-2/6-2024	25.09.2024.g. u 11:15 sati
2.	<b>„ANALITIKA“ d.o.o. Sarajevo</b>	Da	01/01-1574-3/6-2024	01.10.2024.g. u 13:05 sati
3.	<b>„ELTA 90 MB“ d.o.o. Sarajevo</b>	Da	01/01-1574-4/6-2024	03.10.2024.g. u 08:50 sati

Na javnom otvaranju ponuda nije bio prisutan nijedan predstavnik ponuđača.

Zapisnik sa otvaranja ponuda je zajedno sa zapisnikom o prijemu ponuda dana, 04.10.2024. godine prosljeđen elektronskim putem (E-mail-om) ponuđačima koji su blagovremeno dostavili ponude.

Komisija za javne nabavke sastala se 03.10.2024. godine sa početkom u 10:30 sati, radi pregleda i ocjene ponude, odnosno da bi utvrdila da li su ponuđači ispunili uslove koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponudu u skladu sa zahtjevima iz Tenderske dokumentacije i da li su kvalifikovani za nabavku predmetne robe.

Iz *Zapisnika o pregledu i ocjeni ponuda* je vidljivo da u ponudi ponuđača nije bilo računskih grešaka.

Iz *Zapisnika o pregledu i ocjeni ponuda* je vidljivo da je Komisija za provođenje postupka nabavke sačinila sažetak primljenih ponuda kako slijedi:

Redni br.	Naziv i sjedište ponuđača	Ponude ni popust	Ukupna cijena ponude
1.	<b>„NEXIS“ d.o.o. Sarajevo,</b> Mehe Smailagića 76, 71000 Sarajevo	0,00 KM	Cijena ponude bez PDV-a 41.140,00 KM 0% popust <b>Ukupna cijena ponude sa uračunatim popustom bez PDV-a =41.140,00 KM</b> PDV na cijenu ponude= 6.993,80 KM Ukupna cijena za ugovor 48.133,80 KM sa PDV-om
2.	<b>„ANALITIKA“ d.o.o. Sarajevo,</b> Ferde Hauptmana br. 7, 71000 Sarajevo	0,00 KM	Cijena ponude bez PDV-a 26.809,00 KM 0% popust <b>Ukupna cijena ponude sa uračunatim popustom bez PDV-a =26.809,00 KM</b>

			PDV na cijenu ponude= 4.557,53 KM Ukupna cijena za ugovor 31.366,53 KM sa PDV-om
3.	„ELTA 90 MB“ d.o.o. Sarajevo, Dr. Silve Ruzvanbegović 18A, 71210 Ilidža, Sarajevo	0,00 KM	Cijena ponude bez PDV-a 41.140,00 KM 0% popust <b>Ukupna cijena ponude sa uračunatim popustom bez PDV-a =41.140,00 KM</b> PDV na cijenu ponude= 6.993,80 KM Ukupna cijena za ugovor 48.133,80 KM sa PDV-om

Nakon pregleda i ocjene ponuda, Komisija za provođenje postupka nabavke je utvrdila sljedeće:

U skladu sa članom 2. stav (1) tačka I) pod 2) Zakona o javnim nabavama („Sl. glasnik BiH“, broj: 39/14, 59/22 i 50/24), ponude ponuđača „Analitika“ d.o.o. Sarajevo i „Nexis“ d.o.o. Sarajevo su ocjenjene kao **neprihvatljive, jer ponude ponuđača ne ispunjavaju kriterije za kvalifikaciju privrednog subjekta.**

Komisija je na osnovu pregleda ponuda i stručnog mišljenja članova Komisije konstatovala sljedeće:

Ponuđači		
<b>ELTA 90 Medical Biotechnology d.o.o. Sarajevo</b>	<b>ANALITIKA d.o.o. Sarajevo</b>	<b>NEXIS d.o.o. Sarajevo</b>
Ponuđeni model		
Nikon Ci L plus binokularni mikroskop	BS-2081L istraživački biološki mikroskop	MSC-B910 biološki mikroskop
Traženo: Ergonomski binokularni tubus		
Ponuđeno: ergonomski binokularni tubus.  Ponuda u potpunosti odgovara specifikaciji po svim traženim tehničkim karakteristikama aparata <b>(prihvatljivo)</b>	Ponuđeno: istraživački biološki mikroskop sa trinokularnom glavom <b>(nije prihvatljivo)</b>	Ponuđeno: Ponuđeni model pod specifikacijom GC900B je binokularni posmatrajući mikroskop  <b>(nije prihvatljivo)</b>
Traženo: Plan ahromatski objektiv		
<b>Ponuđeno:</b> Plan ahromatski objektiv <b>(prihvatljivo)</b>	<b>Ponuđeno:</b> U specifikaciji ponuđenog modela navedeni su N- PLN planski objektiv, nisu navedeni ahromatski objektiv <b>(nije prihvatljivo)</b>	<b>Ponuđeno:</b> nema vidljivih podataka za objektiv ponuđenog modela <b>(nije prihvatljivo)</b>
Traženo: Mikroskopska kamera – 5.9 MP		
<b>Ponuđeno:</b> ponuđen odgovarajući model <b>(prihvatljivo)</b>	<b>Ponuđeno:</b> ponuđena kamera za mikroskop C-mount USB 3.0 CMOS, model BUC5F-830DC <b>(prihvatljiva)</b>	<b>Ponuđeno:</b> ponuđeni model DC 2000 bez detaljne specifikacije upućuje na Canon model EOS 2000D je fotoaparatus <b>(nije prihvatljivo)</b>

<b>Traženo: Softverska podrška</b>		
<b>Ponuđeno:</b> ponuđen Nis Elements D softver koji odgovara traženim karakteristikama ( <b>prihvatljivo</b> )	<b>Ponuđeno:</b> u rubrici "ponuđeni model" je PC Lenovo, monitor, tastatura + miš što ne predstavlja softversku podršku. U prilogu je tabelarni prikaz specifikacije bez informacija o softveru ponuđenog modela ( <b>nije prihvatljivo</b> )	<b>Ponuđeno:</b> u prilogu nema vidljivih informacija za traženu softversku podršku ( <b>nije prihvatljivo</b> )

**ZAKLJUČAK:**

1. Nakon uvida u specifikaciju ponuđenih modela za traženi predmet nabavke zaključeno je da je ponuda firme „**ELTA 90 Medical Biotechnology**“ d.o.o. Sarajevo prihvatljiva, jer je u skladu sa traženom tehničkom specifikacijom.
2. Ponuda firme **ANALITIKA d.o.o. Sarajevo nije prihvatljiva**, jer je ponuđen trinokularni mikroskop (tražen binokularni) sa N-PLN planskim objektivima (traženi ahromatski objektiv) i softverska podrška za koju iz specifikacije nisu dostavljene nikakve karakteristike (ponuđač je priložio izgled fotografija i sistem dijagrama iz kojih nisu vidljive karakteristike za traženu specifikaciju).
3. **Ponuda firme NEXIS d.o.o. Sarajevo nije prihvatljiva**, jer je ponuđen binokularni posmatrajući mikroskop (tražen ergonomski binokularni tubus mikroskopa), nema informacija za vrstu i broj objektivna, ponuđeni model kamere DC 2000 nije odgovarajući i bez ikakvih karakteristika za softversku podršku.

U tački 8. *Sadržaj ponude i način pripreme ponude* TD je propisano da su Ponuđači obavezni da pripreme ponude u skladu sa zahtjevima i uslovima koji su utvrđeni u ovoj Tenderskoj dokumentaciji.

Budući da je članom 68. stav (4) tačka i) ZJN propisano da ugovorni organ obavezno odbacuje ponudu koja nije potpuna i ne ispunjava uslove iz tenderske dokumentacije, Komisija za javne nabavke, imajući u vidu prethodno navedeno činjenično stanje, je konstatovala da su *ponude ponuđača „Analitika“ d.o.o. Sarajevo i „Nexis“ d.o.o. Sarajevo neprihvatljive*.

U skladu sa prethodno navedenim zakonskim odredbama i Tenderskom dokumentacijom, ponude su ocjenjene kao **neprihvatljive, te kao takve nisu uzete u dalje razmatranje**.

Nakon pregleda i ocjene ponuda, Komisija za provođenje postupka nabavke je utvrdila da od tri ponuđača, jedino ponuđač: „**ELTA 90 MB**“ d.o.o. Sarajevo ispunjava sve minimalne uslove za kvalifikaciju tražene tenderskom dokumentacijom, te je njegova ponuda ocjenjenja kao prihvatljiva.

Redni br.	Naziv i sjedište ponuđača	Ponude ni popust	Ukupna cijena ponude
1.	„ <b>ELTA 90 MB</b> “ d.o.o. Sarajevo, Dr. Silve Ruzvanbegović 18A, 71210 Ilidža, Sarajevo	0,00 KM	Cijena ponude bez PDV-a 41.140,00 KM 0% popust <b>Ukupna cijena ponude sa uračunatim popustom bez PDV-a =41.140,00 KM</b> PDV na cijenu ponude= 6.993,80 KM Ukupna cijena za ugovor 48.133,80 KM sa PDV-om

Iz Zapisnika o pregledu i ocjeni ponuda je vidljivo da je za predmetnu nabavku, kao što je navedeno u Tenderskoj dokumentaciji i Obavještenju o nabavci broj: 29340-1-1-50-3-68/24 od 12.09.2024. godine za predmetnu nabavku predviđeno provođenje E-aukcije, a s obzirom da je pristigla samo jedna prihvatljiva ponuda, E-aukcija se nije mogla zakazati u skladu sa članom 4. stav (2) Pravilnika o uslovima i načinu korištenja E-aukcije („Službeni glasnik BiH“, broj: 80/23), nego se postupak okončava u skladu sa članom 69. Zakona.

**Shodno navedenom, Komisija za javne nabavke je prema utvrđenom kriteriju najniže cijene tehnički zadovoljavajuće ponude dala preporuku Dekanu Univerziteta u Sarajevu - Prirodno-matematičkog fakulteta da se u predmetu nabavke roba: LABORATORIJSKA OPREMA, LOT 1- Laboratorijski mikroskop sa kamerom i softverom donese Odluka o dodjeli ugovora ponuđaču „ELTA 90 MB“ d.o.o. Sarajevo, čija ukupna cijena ponude iznosi 41.140,00 KM bez PDV-a.**

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Akt obradila:  Jasmina Mujkić, dipl.iur.

  
**DEKAN FAKULTETA**

  
**Prof. dr Nusret Drešković**

#### **Dostaviti:**

- „ELTA 90 MB“ d.o.o. Sarajevo
- „Analitika“ d.o.o. Sarajevo
- „Nexis“ d.o.o. Sarajevo
- Dosije nabavki
- a/a